

1. Óosana kúradoo aukuanna Ánutufa sia marú ainainannai innaarúna faqa maqá faqa óosana arasée áuqinau.
2. Miaukuanna maamaqáfa fífau dumúna nammari máridanoo, fífau fáafauinoo máridanoo asukuna firaafa nammári rafáaqafinoo maridanoo Ánutuna maraquna fannoo nammári ámuaqumau úfaira foora úqinau.
3. Miaukuanna Ánutufa qinau, káaqa qárana máriannee qufanoo káaqa qárafa káaqa qanau.
4. Káaqa qámafufanoo qáfamaseenoo ámiqimambinoo qímaseenoo káaqa qárana faqa asukuna faqa áadu áadu rakéema quqánau.
5. Rakéema quqáseenoo qáfamaseenoo Ánutufa káaqa qáranara fáasaanee qinau, asukunara eendákifee qinau. Miqí qímasoofanoo mikari indaarú óosana aróo faasaanna asukuna faqa iáqarana faqa quqá-qoofa máridanoo.
6. Miná ínaaqiana faasaana Ánutufa kaifáa qinau. Innaarúnai qáindara foora rusína márinanoo nammári mirínni faqa mianni faqa rainánoo márianifeera qinau.
7. Miqí qímaseenoo Ánutufa innaarúnai qáindara foora áuqufufanoo nammári rainá mirínni faqa

- maqai faqa quqánau. Quqásoofanoo dóo miqínnoo máridanoo.
8. Ánutufa miinnaarunaqaindána áuqureenoo innaarúnee qinau. Miinaaqiana faasaanaa asukuna faqa iáqarana faqa aniranau.
  9. Qaaramoo fáasaanaikufanoo Ánutufa kaifáa qinau. Maqásaanammari suqúfinoo moodáanaki mandifinano maqá koorooianifeera qímasoo-fanoo miqímmínnoo márinau.
  10. Ánutufa aadánaikunara maqá fee qínoo áuquranau. Nammári moodáanaki suqúnara ooruku námmari fee qínoo áuquranau.
  11. Miqí qímaseenoo dóo andeeqáfíifoo qímaseenoo fúka máqasaara qinau. Ándanda óosana óosana kambíqaani, óosana óosana ándanda áadu áadu ándanda nari qaqamma minakí márinafa kambíqáanoo, óosana óosana qaqamma íreemari-saqarifa nari qaqamma minakí márinafa kambíqáanee qufanoo miqímmínau.
  12. Maqá fannoo ándanda maqánau, óosana óosana ándanda nari qaqamma minakí maruna maqá fannoo maqánau, qaqamma íreemarusaqarina nari qaqamma minakí máruna mina faqa maqanau. Nari óosana nari óosana kai maqánau. Maqasooftanoo Ánutufa aiququmaseenoo dóo ámiqimminoo qinau.

13. Miqímasooftanoo miqaaramoofaasaanna miná asukuna faqa iáqarafa faqa aniranau.
14. Qaara faqa qaara faqa faasaanaikufanoo Ánutufa kaifáa qinau. Innaarúnai qóoma óosana óosana kambíqaani súani faqa quoona faqa fásau faqa fáasaana faqa eendáki faqa raináanifeera, aukúana aukúana óosirana ugannífi-qaañifeera, innaarúna qáindasaaqari maqásaa
15. faqa káqa qáanifeera. Miqí qímasooftanoo miqímmínau.
16. Miqí qímaseenoo Ánutufa firaaqoomatiqaara súani faqa quoona faqa miqanda quqánau. Firaaqooma súaniara anée fáasaana rakísinnimaqaannee qinau. Óoreeqarana quoona para anée eendáki rakísinnimaqaannee qinau. Fásau namufaqa minamusa faqa áuqu quqánau.
17. Ánutufa miqoomanamusa innaarúna qáindasa quqáseenoo maqásaa káqa qáidano eendáki faqa fáasaana faqa rakísido asukuna faqa káqa qárana faqa raináanifeera quqánau. Ánutufa quqáseenoo aiququmaseenoo dóo ámiqimambiifoo qinau.
18. Qímasooftanoo qaara faqa qaara faqaikufaasaan nasaa asukuna faqa iáqarana faqa aniranau.
20. Moodáanaiqisaukunamu faasaanasaa Ánutufa

- qinau. Aiqáma nammáriki noodaana aandau óosana óosana moómoo kambíqaani, innaarúna qáinda ámeemaanai ufiniuqa faqa qaqqamáree nuqa.
21. Miqí qímaseenoo Ánutufa nammárikina fira-aandau faqa kákikaa noodaana aandau óosana óosana faqa moómoo uqanna áuqu quqánau. Níqoosa faqaasa ufiniuqa nari óosana nari óosana misá faqa áuqu quqánau. Áuqu quqáseenoo aiqusumaseenoo ámiqimmiifoo qinau.
22. Miqí qímaseenoo Ánutufa nari afaaqdoqa qímannimafeenoo qinau. Asumu moómoo kambíqafiqá máriiqá ooruku námmarikinaa ainaina faqa moómoo kambíqafiqá máriiqá ufiniuqa faqa moómoo kambíqafina maqásaa máriiqá.
23. Qímasoofanoo moodáanai qísaunkamu fáasaana asukuna faqa iáqarana faqa áiqaranau.
24. Áiqaroofanoo dínni taikásee dínni oonu moodáa marasee fáasaanasaa Ánutufa qinau. Maqá fannoo moó óosana moó óosana áanna faqaa ainaina maqáani. Firinée mária ainaina faqa maqámau ámuaqundari nímaria ainainausa faqa óosana óosana aiqáma káasauainaina faqa aiqáma nari óosana nari óosana maqá fannoo maqáani.

25. Miqí qímaseenoo Ánutufa káasauainaina faqa kooqíkiaainaina faqa amuaqundari maqámau nímariaainaina faqa aiqáma nari óosana nari óosana áuqu quqánau. Áuqu quqáseenoo aiqusumaseenoo dóo ámiqimmiifoo qinau.
26. Miqí qímaseenoo Ánutufa qinau. Maasá faiqi áuquanaura, maasá qimana kái maasá qeeqá fooqáana áuquanaura. Mifasiqáfa ooruku námmarikinoodaannaainaina faqa sandáaqai qaqqamáree nímaria ufinisa faqa kooqíkiamaria-aandausa faqa káasauaandauainfa faqa ámuaqundari maqámau nímarina faqa mifá rakísianni-feera áuquanaura.
27. Miqí qímaseenoo Ánutufa faiqi nari amana kái áuqinau. Ákee faqaana faqa áfaamu faqaana faqa áuqinau.
28. Áuquseenoo Ánutufa nifaqooqa qínoo qinau. Inniqara asumu moómoo kambíqafinoo maamaqamaaqanaki qumbíqafiqá rakísiqa oorukunámmarikinoodaanna faqa ufiniuqa faqa aiqámaainainatia maqámau máriasasaa faqa rakísiqa.
29. Ánutufa kaifáa qínoo qinau. Inni nárana aiqáma maqamaaqanaki kambíqeemarina qaqqamma íreemari-andanda faqa aiqámasaqari qaqqamma íreemarina asumunamufaqa inni nímidaga naaqeera.

1.

30. Káasauainaina faqa ufiniuqa faqa qaqamáree nímariasa faqa nímuaqundari maqámau nímariasa faqa aiqáma náanna faqaasa faqa aiqáma saqáriamaneeeariraandanda ínni nárana nímidaga miná naaqeera. Miqí qímaseenoo miqímmínoo márinau. Dóo Ánutufa miaiainausa qáfamasoofanoo ámiqiuqannamminau.
31. Dínni taikásee dínni oonu moodáa marasee faasaana miná asukuna faqa iáqarana faqa áiqaqoofanoo taikánau.

2.

4. Maaufana indaarú sía marú ainainannai innaarúna faqa maqá faqa áuqufa miufafa dóo miqímmínoo máridanoo.
5. Indaarú karaambáiqa Ánutufa maqá faqa innaarúna faqa áuqu aukuanna sía Ánutufa aakú maqásaa quqánau. Minára káasauandanda faqa saqári faqa sía kambíqanoo márinau. Faiqi maqá indufírafa faqa sia márinau.
6. Mikamuqoo nammári áidoofanno maqákiqari ururéeno aiqámamaqamaaqa uqueená amaqánau.
7. Mikari karaambáiqa Ánutufa maqásaa qaraa kookooma qumáreenoo atakúsee faiqi áuquseenoo nari máriba áanna aikáamaraki fuqássoofanoo maa mária fasiqausa nimana faqáasa kambíqagau.
8. Mifasannai Ánutufa súaniafu óosanai Éedeena maqamaaqaki kadiqa firaanaki qúmaqussoofanoo íroofanoo nari áuquqoofasiqana minaki quqánau.
9. Karaambáiqa Ánutufa óosana arónara saqári moómoo óosana óosana mikadidanaki kambíqagau. Ámiqirasaqari qaqamma néemaru saqárisa moómoo kambíqagau. Misá aiqáma ámiqimasee qáfee-marusa kái kambíqagau. Kadiqa qámbaanai saqári qaaraqanda kambíqagau. Moósaqari námasinafa sía kúquannoo náaru náaru máriannoo. Minára misaqrina áuqu náaru náarumarira-

Oosana Aroo UfafaFiraa Kamu 2

1. Miqímaseeno innaarúna faqa maqá faqa taikánau. Miqóo aiqámaainainafiraatia-uqanna márufa mifá taikánau.
2. Dínni taikásee dínni oonu moodáa marasee faasaanna Ánutufa nari kadáapirida áuqimarufa taikánau. Dínni oonu qaara máreenoo nari aináinimaruna quqánau.
3. Dínni taikásee dínni oonu qaaraqanda-faasaanara Ánutufa nifaaqóoqa qinau, náaquqara faasaannee qinau. Nari indaarú áuquuainainnara mifá taikóofaasaannara náaquqara faasaannee qinau.

- saqarifee qinau. Saqári moó námasainaafa mifá rainára óosana írirafa kambíqaannoo. Misarinaqaqamma námasainaafa aiqámaainainara ámiqirafa kai fee qímariafa taikáanifeera. Akaqaainainara ámiqirafee qinoo akaqaainainara mandáinainee qíanifeera márinau. Minára misarina áuqu ámiqiranara faqa mandáinainara faqa íriaqeesaqari fee qinau.
10. Nammári moó fannoo Éedeena maqamaaqakiqari qumureenoo kadiqa qámbaana qumuréenoo maqá uqeená uqeená íanifeera qúmiqareenoo qaara faqa qaara faqa námmarikufanoo óoqufinau.
  11. Moónammari áuqu Písoonanammari mifá Qafiraa máqamaaqa átindannai qumifinu. Miqóo kóora máridanoo, mimaqanna kóora ámiqirakoora máridanoo, makáqa anoona fooqáafa mifá faqa miqóo máridanoo, firaafeefauru áqimariaoonifa miqóo máridanoo.
  13. Moónammari áuqu Kíqoonanammari qúmi márinau. Mifá Kusa máqamaaqa átindannai qúmifi márinau.
  14. Moónammari áuqu Tíkarisi márinau. Mifá Asuraa máqamaaqa súani óosana qáannai átindannai qúmi márinau. Ínaaqianna nammari áuqu Eeuferateesa námmari márinau.
  15. Karaambáiqa Ánutufa nári áuquqoo fasiqana mara

- máreenoo Éedeena kadidakina quqána. Kadidak maqá indufídanoo aiqáma ainainasaa mikadidanki rakísiánifeera.
16. Ánutufa quqáseenoo mifasiqana maaqí qímaseenoo aakápanau. Anée kadidakina aiqáma saqari qaqqamma diqísee náa.
  17. Moodáa saqáriarakai qinee qáoo qídaqa. Írirana ruqíqee mari saqarifa máridanoo, yáireeffee anee námaseenana mikari kai kúqinnaranoo.
  18. Mifasannai karaambáiqa Ánutufa mifasiqanara qinau, maafasiqafa nariaraa márifanoo síamma andeeqánoo máridanoo, qinée miná aqoónnana miná dadaaqíaninnana áuqusee ámianaura.
  19. Ánutufa maqá qumáreenoo atakúseenoo óosana óosana aandáu ainaina faqa aiqáma qaqamáree nímaru ufinisa faqa áuqinau. Áuquseenoo aiqáma náarammeeqeenoo faiqi márufanoo núquaanifeera quqássoofanoo nána ainainee áuquroofa dóo minnuquna faqaasa mériqau.
  20. Miqimaseenoo faiqi fannoo kooqíki maru ainainnausa faqa káasau ainainnausa faqa innaarúnnaí qaqamáree nímaru ufinisa faqa núqu ramma quqáqoofa. Miqíqa márufanoo Ánutufa mifasiqana aqoónannaikiranara randéenoo sípaqúrinau.

21. Minára faiqárana faiqi áminau. Faifufanoo Ánutufa miná áqaasana moodáa tátuseenoo miná amaqínnai minaki ititánau. Ititáseenoo karaambáiqa Ánutufa miná áqaasana quqáseenoo minánnai ánaasee áuqinau. Áquseenoo faiqi máruqoo áfiqa múnusoofanoo faiqi fannoo asasamaseenoo qinau.
22. Dóo maqee uqanna maafa qinée únnaqoo anireenoo, ámudaani qini qímudaanikinaafa, amiqi qini qimaqínnai áuqirafa, qinée minára ánaasee áuquraanaura, maafa faiqikinaafa márika máridanoo.
24. Minarakai aiqáma fasiqauqa nári nínausa níkausa minniseeqa nári nináaqmaaka faqa qapámambiqa moodáa nímaqi nimudaani kammafi maridaqa sía amana rakéefaranoo.
25. Mifasiqafa nári ánaaqandiri káqisamu máruqanda máriqau sía nariara nariara nisaurí máriqau.

Oosana Aroo UfafaFiraa Kamu 3

1. Karaambáiqa Ánutufa káasau ainaina áuquqoona qámbaanakiqari sakáni mifa írirana fíqararafa márufa marinau. Mifá ánaasee unnai anireenoo

- irámmirinoo qinau. Kúqaa fee Ánutufa saqáriuqaki aiqáma qáoo qínoofee sía naaqee qínoofee.
2. Mianaaseefa minára iriseenoo qímaminau. Eeóo aiqáma naaqee qifaqa náidaqa, kadiqa qámbaanai moodáa mina sía náidaqa qáoo qinoo sía áuqaa-gee sía naaqee qinoo námasee kúqifaranoo qifaqa sía náidaqa.
4. Sakáni mina ufa iriseenoo ánaasee qímaminoo qinau.
5. Námasee sía kuqínnara, Ánutufa minara íridanoo. Yákarifee mina námasainanoo ínni nifusaa írirafa aniraannoo. Ruqíqafinoo ínnee Ánutufara foora máfifanoo mandáinainara faqa ámiqiraainainara faqa náaqooki írifara.
6. Ánaasee sakáni ufa iriseenoo áfu qáfamasoo-fanoo ámiqirafa márufanoo nárana faqa qáfoo-fanoo idaaqírafa márufanoo íriranara faqa írufanoo ámiqufanoo akaqána diqíseenoo néenoo nari afaaqi faqa márufanoo múnú ámufanoo nanau.
7. Miqanda námasoofanoo miqoo nífusaa írirafa kambíqoofaqa nári afaaqa qáfamasee nári afaaqa qáfamasee káqisamu fee qímaseeqa nisaurúseeqa saqári ámanee didíqi ámanee

- fooqáana qumáree akunúseeqa nári nifaaqasaa ititáqau.
8. Eenóofanoo kadidaki asooaa asooaa ímarufanoo Karaambáiqa Ánutufa kadidai nímarufaqa faiqi faqa ánaasee faqa íriqara saqári atukaki nisaurúsee kukéeqaqau.
  9. Karaambáiqa Ánutufa faiqi áaramasee anée yáifee qufanoo mifa qinau.
  10. Anée kadidai núanaqa qinée iriseeqa káqisamu máriunausa rufíaseeqa saqári atukaki kukée-qeeqa.
  11. Miqí qufanoo Ánutufa qinau, yáfee káqisamuara aní aamúaqinoofee. Anée saqári qaqlama qinée qáoo qúnnaa néeneeaanafee.
  12. Faiqi iriseenoo qímaminoo qinau. Maaanaaseefa qini faqa márifa anée qímunafa mifa míni qímifaqa néeqa.
  13. Miqoo karaambáiqa Ánutufa mianaaseena irámmirinoo qinau. Anée nána ainainee ínanee maaqinanee. Mianaaseefa iriseenoo qinau. Sakáni fannoo anireenoo qini qimanamasaiqa néeqa.
  14. Karaambáiqa Ánutufa mina iriseenoo quandáfinoo misakánina afaaqóoqa qínoo qinau. Anée maa-anaaseena ueeqáananara mina ákiqara kooqíkinaa

- aandau faqa, káasau aandau faqa misa niquraranana nímanaura aníndi faqa firaana ámianauranoo. Anée maqámau ámuqaundari rarisaná nídana kookoomara foora fífau ainaina náidana kúqiranaki taikáa.
15. Ánaasee faqa aní faqa qinee namuqáakammanni-saanauranoo, aní asumu faqa mina asumu faqa namuqáa kammannisaanauranoo. Miná asumu-kiqari moodáa fannoo aní ákiqara radámuannoo. Anée mina asumukinaana áiku atáa ukáqaminnaroo.
  16. Ánutufa miqí qímaseenoo sakáni áquraraseenoo quándakufanoo mianaaseena maaqi qímasee áquraranau. Anee faiqi máqainaqa kadáapirirana faqa aupúrarana faqa ámianauranoo. Maaqooqari aupúranaki aneena faiqinamu maqéeinharanoo. Aní aundura fannoo aneena afaaqiara rída márinnaranoo. Aní afaaqi fannoo aní úriaaqararafa anée miná úree-qarafa márinnaranoo.
  17. Miqí qímaseenoo Ánutufa quándafinoo mifasiqana faqa áquraranau. Anée áneena anaqa ufa iriseena qini qáoqira saqari qaqlama náannana-ra minara qinee máa maqee aqisaanana maaqoo-qari miqíkai ina fúa.  
Anée kadaáapiridana árirana rakéeidana maa-
- 17.

- maqanaki úmmaqusee náidamaria.  
Máridana kadaáapirina fífiinana kúqinnana kai taikáa.
18. Áaruqira ainainna faqa amuka faqáa ainaina faqa maqákiqari kambíqamaqaanoo.  
Maqákinaa ainaina faqa káasau ainainna faqa neennaranoo.
19. Aní áfaaqai tooqaamu árimarinana nárana náa.  
Miqína fífiinana maqáikamafinana taikáa.  
Aní maqánnai áuquqaafanafa márianafa máriananoo.  
Anée maqá máriananoo kaifáa maqáikamafinnarnoo.
20. Doo miqí qímaseenoo Ánutufa áqiraufa faiqi qímaminau. Faiqi fanno nari ánaaqara maqásaa qáraa fasiqa anaasee ninoofee qímaseenoo áuqu Éewa qinau.
21. Karaambáiqa Ánutufa aandáu apata qumáreenoo minánnai qamunnara foora áuqeeqeenoo Ádانا faqa nari ánaaqqa faqa níminau.
22. Ánutufa nimiseenoo faiqiara qinau. Doo maafasiqafa maasara fooqaanamafinoo írirana ruqíarafa máridanoo maqee mifasiqafa ásauku uqéeraseenoo saqári moó káqi marira saqari qaqlama diqíseenoo námaseenoo náaruara káqi mariandoora.
23. Karaambáiqa Ánutufa minára iriseenoo Éedeena kadidakíqari dóo miqanda nífaqeegreenoo aní áuquafanna ainaina kaifáa indufídana tooqaamu árimarinana paqúrimaseenana nárana náa.
24. Faíqi áfaqaseenoo Ánutufa seerubima ángiroo-uqa quqássoofaqa. Káqi marira saqari atukai fímaria aana kindooranaki ititáqau. Ánutufa idáuruara foora daroodaraa ímaruna mina faqa dóo miqóo mikadidanaki quqássoofanoo minasaa faqa ititáqau.